



Broj: 01-02.1-7712-30/25 - IO

Datum: 06.02.2026. godine

Na osnovu člana 70. stav 3. Zakona o javnim nabavkama ("Službeni glasnik BiH", br.:39/14,59/22 i 50/24), Obavještenja o nabavci broj: 260-1-2-199-3-237/25 od 5.8.2025. godine u otvorenom postupku javne nabavke usluga: Izrada glavnog projekta izgradnje veze cesta M1.8 i M14.2, Orašje Jug – Donja Mahala, L= 4 km, na preporuku Komisije za provođenje postupka javne nabavke, Uprava JP Cesta Federacije BiH d.o.o. Sarajevo d o n o s i

O D L U K U

I

Najpovoljniji ponuđač u otvorenom postupku javne nabavke usluga: Izrada glavnog projekta izgradnje veze cesta M1.8 i M14.2, Orašje Jug – Donja Mahala, L= 4 km je Grupa ponuđača: GRAĐEVINSKI INSTITUT GIBL d.o.o. Banja Luka, HKP CONSULTING d.o.o. Banja Luka i GEOAVAS d.o.o. Sarajevo.

II

Izabrani ponuđač iz tačke I ove odluke dužan je u skladu sa zahtjevima iz tenderske dokumentacije dostaviti originale ili ovjerene fotokopije dokumenata iz člana 45. stav (2) Zakona o javnim nabavkama. Ukoliko izabrani ponuđač ne dostavi traženu dokumentaciju, u određenom roku, ugovor će biti dodijeljen drugorangiranom ponuđaču, u skladu s članom 72. stav (3) Zakona o javnim nabavkama.

III

Ova odluka će se objaviti na web stranici JP Ceste Federacije BiH d.o.o. Sarajevo, istovremeno s upućivanjem ponuditeljima koji su učestvovali u postupku javne nabave sukladno članku 70. stavak (6) Zakona o javnim nabavkama.

O b r a z l o ž e n j e

Na osnovu Obavještenja o nabavci broj: 260-1-2-199-3-237/25 od 5.8.2025.godine proveden je otvoreni postupak javne nabavke usluga: Izrada glavnog projekta izgradnje veze cesta M1.8 i M14.2, Orašje Jug – Donja Mahala, L= 4 km.

Do utvrđenog roka za predmetnu javnu nabavku dana 26.08.2025.godine do 12:00 sati, dostavljeno je devet ponuda. Ponude su otvorene istog dana u 12,30 sati.

R. Br.	Naziv ponuđača	Cijena ponude bez PDV-a, KM	Ponudeni popust (% ili KM)	Cijena ponude s popustom (bez PDV-a), KM	Cijena ponude s popustom (s PDV-a), KM
1.	GP: SARAJ INŽENJERING d.o.o. Sarajevo i TRASA d.o.o. Sarajevo	92.990,00			108.798,30
2.	GP: PPG d.o.o. Sarajevo i TRAFFICON d.o.o. Odžak	101.240,00			118.450,80



3.	GP: GRAĐEVINSKI INSTITUT GIBL d.o.o. Banja Luka, HKP CONSULTING d.o.o. Banja Luka i GEOAVAS d.o.o. Sarajevo	80.510,00			94.196,70
4.	IPSA INSTITUT d.o.o. Sarajevo	86.800,00	20%	69.440,00	81.244,80
5.	INSTITUT ZA GRAĐEVINARSTVO IG d.o.o. Banja Luka	78.999,00			92.428,83
6.	GP: ROUTING d.o.o. Banja Luka, i GEOKONZALTING d.o.o. Sarajevo	96.650,00			113.050,00
7.	GP: DIVEL d.o.o. Sarajevo i DESIGN&QC d.o.o. Sarajevo	101.740,00			119.035,80
8.	INTEGRA d.o.o. Mostar	102.330,00	6%	96.190,20	112.542,53
9.	GP: RADIS d.o.o. Istočno Sarajevo, GEOPROJEKT d.d. Split	57.900,00			67.743,00

Komisija je u skladu sa Tenderskom dokumentacijom pregledala ponude sa aspekta kompletnosti i kvalificiranosti.

Ponude ponuđača: Grupa ponuđača: SARAJ INŽENJERING d.o.o. Sarajevo i TRASA d.o.o. Sarajevo, Grupa ponuđača: PPG d.o.o. Sarajevo i TRAFFICON d.o.o. Odžak, ponuđača INSTITUT ZA GRAĐEVINARSTVO „IG“ d.o.o. Banja Luka, Grupa ponuđača: ROUTING d.o.o. Banja Luka i GEO KONZALTING d.o.o. Sarajevo, Grupa ponuđača: DIVEL d.o.o. Sarajevo i DESIGN&QC d.o.o. Sarajevo, Grupa ponuđača: RADIS d.o.o. Istočno Sarajevo i GEOPROJEKT d.d. Split, Hrvatska su ocijenjene kao neprihvatljive iz razloga navedenih u Zapisniku o pregledu i ocjeni ponuda.

Nakon izvršene računске kontrole formirana je konačna rang lista:

Redni broj	Naziv ponuđača	Cijena bez PDV-a (KM)	Cijena s PDV-a (KM)
1.	IPSA INSTITUT d.o.o. Sarajevo	69.440,00	81.244,80
2.	GP: GRAĐEVINSKI INSTITUT GIBL d.o.o. Banja Luka, HKP CONSULTING d.o.o. Banja Luka i GEOAVAS d.o.o. Sarajevo	80.510,00	94.196,70
3.	INTEGRA d.o.o. Mostar	96.190,20	112.542,53

Komisija za nabavke je predložila Upravi da ugovor, za nabavku usluga: Izrada glavnog projekta izgradnje veze cesta M1.8 i M14.2, Orašje Jug – Donja Mahala, L= 4 km dodijeli **IPSA INSTITUT d.o.o. Sarajevo** koji je dostavio prihvatljivu ponudu u iznosu od **69.440,00 KM** bez uračunatog PDV-a, odnosno **81.244,80 KM** sa PDV-om, te ugovorni organ donosi odluku o dodjeli ugovora broj: 01-02.1-7712-6/25 od 28.10.2025.godine, najpovoljnijem ponuđaču IPSA INSTITUT d.o.o. Sarajevo.

Nezadovoljni navedenom odlukom ponuđač GP: GRAĐEVINSKI INSTITUT GIBL d.o.o. Banja Luka, HKP CONSULTING d.o.o. Banja Luka i GEOAVAS d.o.o. Sarajevo iz predmetnog postupka i ponuđač INTEGRA d.o.o. Mostar, podnose žalbu.

Postupajući u skladu sa ZJN Ugovorni organ je obustavio postupak do donošenja rješenja Ureda za razmatranje žalbi BiH (URŽ) na predmetnu žalbu.

Ured za razmatranje žalbi BiH rješavajući po žalbi GP: GRAĐEVINSKI INSTITUT GIBL d.o.o. Banja Luka, HKP CONSULTING d.o.o. Banja Luka i GEOAVAS d.o.o. Sarajevo, donio je Rješenje br. JN2-03-07-1-1894-8/25 od 22.12.2025. godine, kojim se žalba (djelimično) usvaja, te rješenje broj: JN2-03-07-1-1872-8/25 od 22.12.2025. godine kojim se žalba INTEGRA d.o.o. Mostar (djelimično) usvaja, te žalbom pobijana Odluka o dodjeli ugovora od 28.10.2025.godine poništava i predmet vraća ugovornom organu na ponovni postupak.

Postupajući u skladu s stavovima iz rješenja Ureda za razmatranje žalbi BiH broj: JN2-03-07-1-1894-8/25 od 22.12.2025. godine, komisija je izvršila ponovni uvid u ponudu ponuđača IPSA INSTITUT d.o.o. Sarajevo čiju prihvatljivost je žalbom osporio GP: GRAĐEVINSKI INSTITUT GIBL d.o.o. Banja Luka, HKP CONSULTING d.o.o. Banja Luka i GEOAVAS d.o.o. Sarajevo, te utvrdila da je ponuđač IPSA INSTITUT d.o.o. Sarajevo:

- na str. 51 ponude dostavio je Prilog- 4 Izjava o ispunjenosti uvjeta iz člana 45. stav (1) tačka a) do d) Zakona o javnim nabavkama BiH („Službeni glasnik BiH“ broj 39/14, 59/22 i 50/24) i na str. 319 ponude Prilog 7 - Izjava ponuđača iz člana 52. Zakona o javnim nabavkama BiH („Službeni glasnik BiH“ broj 39/14, 59/22, 50/24) u kojima je kao davatelj izjave naveden direktor ponuđača IPSA INSTITUT d.o.o. Sarajevo, što je utvrđeno uvidom u Aktuelni izvod iz sudskog registra sa str. 53-65 ponude. U potvrdi o ovjeri navedenih izjava od strane općine Centar – Sarajevo ne može utvrditi da je nadležna općinska služba ovjerala potpis direktora ponuđača IPSA INSTITUT d.o.o. Sarajevo, a gdje u ponudi ne postoji punomoć koja bi dovela u vezu davatelja navedenih izjava (direktor ponuđača IPSA INSTITUT d.o.o. Sarajevo) i punomoćnika koji je u štambilju (potvrdi o ovjeri) općine Centar naveden kao punomoćnik. Također, utvrđeno je da je u navedenim izjavama na str. 51 i 319 ponude da je davatelj istih direktor ponuđača IPSA INSTITUT d.o.o. Sarajevo uredno upisao broj lične karte koji ne odgovara upisanom broju lične karte u štambilju (potvrdi o ovjeri) općine Centar, te je utvrđeno da potpisi ovlaštene osobe direktor ponuđača IPSA INSTITUT d.o.o. Sarajevo kao davatelja spornih izjava nisu ovjereni od strane nadležnog organa.
- na str. 311-313 ponude dostavljen je dokument FIDES DV-PARTNER GmbH na engleskom jeziku preveden od strane ovlaštenog sudskog tumača za engleski jezik (str. 35-317) kojim izdavatelj dokumenta potvrđuje da je IPSA INSTITUT d.o.o. Sarajevo kupila licence za licencirane softvere FIDES-SteelCON i FIDES-Package-GEO. U ponudi nije dostavljena kopija važeće licence ili kopija ugovora sa dobavljačem softvera, a kako se zahtjeva tačkom 14.2.c) tenderske dokumentacije, čime je ponuđač samo djelimično ispunio uslov iz tač.14.1.c). u vezi sa tač. 14.2.c) TD-e, dostavljanjem Priloga 6c-Podaci o tehničkoj opremi na str. 305 ponude, bez kopije važeće licence ili kopije ugovora sa dobavljačem softvera.

Zbog naprijed navedenog ponuda ponuđača: IPSA INSTITUT d.o.o. Sarajevo nije prihvatljiva.

Postupajući u skladu s stavovima iz rješenja Ureda za razmatranje žalbi BiH broj: JN2-03-07-1-1872-8/25 od 22.12.2025. godine, komisija je izvršila ponovni uvid u ponudu ponuđača GP: GRAĐEVINSKI INSTITUT GIBL d.o.o. Banja Luka, HKP CONSULTING d.o.o. Banja Luka i GEOAVAS d.o.o. Sarajevo čiju prihvatljivost je žalbom osporio ponuđač INTEGRA d.o.o. Mostar, te utvrdila da je ponuđač GP: GRAĐEVINSKI INSTITUT GIBL d.o.o. Banja Luka, HKP CONSULTING d.o.o. Banja Luka i GEOAVAS d.o.o. Sarajevo:

- Na stranicama 125 do 131 dostavljeni su podaci o izvršenom ugovoru. Potvrda o izvršenju ugovora, koja je izdata od strane vodećeg partnera članu grupe ponuđača u skladu je s Rješenjem URŽ-a broj JN2-03-07-1-1872-8/25 od 22.12.2025. godine, ocijenjena kao neprihvatljiva.
- Na stranicama 133 do 135 dostavljeni su podaci za drugi ugovor, uključujući i potvrdu o dobrom izvršenju. Komisija smatra da je ponuđač ispunio uslove u skladu Tenderskom dokumentacijom koji kaže da je potrebno: „da imaju uspješno iskustvo u realizaciji: jedan (1) ugovor na izradi

projektne dokumentacije glavnog projekta izgradnje/rekonstrukcije cesta vrijednosti jednakoj ili većoj od 100.000,00 KM (bez PDV-a).

Ugovori moraju biti realizirani u posljednje tri godine ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od tri godine.“ (Član 14.1.a) Tenderske dokumentacije)

Kao dokaz o ispunjavanju ovog kriterija potrebno je da ponuđač dostavi: „Podatke o ugovorima dati prema Prilogu 6 a Tenderske dokumentacije. Uz podatke o uspješno realiziranim ugovorima ponuđač je dužan dostaviti potvrde o urednom izvršenju ugovora a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o urednom izvršenju ugovora.“ (Član 14.2.a) Tenderske dokumentacije). Komisija smatra da dostavljena potvrda ima sve neophodne elemente, te da je ponuđač ispunio ovaj kvalifikacioni kriterij.

Komisija je razmotrila da li potvrda ima sve elemente u skladu s članom 48. satav (3) Zakonom o javnim nabavkama, koji propisuje: „Potvrda o uredno izvršenim ugovorima mora sadržavati sljedeće podatke: a) naziv i sjedište ugovornih strana ili privrednih subjekata; b) predmet ugovora; c) vrijednost ugovora; d) vrijeme i mjesto izvršenja ugovora; e) navode o uredno izvršenim ugovorima.“ i konstatovala da potvrda sadrži sve zahtjevane podatke.

Predmetna nabavka se odnosi na Izradu glavnog projekta izgradnje veze cesta M1.8 i M14.2, Orašje Jug – Donja Mahala, L= 4 km, a dostavljena potvrda je za Izradu idejnog i glavnog projekta autoputa Vukosavlje – Brčko, te su potrebne aktivnosti na izradi glavnog projekta magistralne ceste i glavnog projekta autoputa, uporedive i slične i po sadržaju i složenosti.

Zbog svega naprijed navedenog Komisija smatra da dostavljena potvrda ima sve neophodne elemente, te da je ponuđač ispunio ovaj kvalifikacioni kriterij.

Na osnovu prije navedenog, formirana je konačna rang lista:

Redni broj	Naziv ponuđača	Cijena bez PDV-a (KM)	Cijena s PDV-a (KM)
1.	GP: GRAĐEVINSKI INSTITUT GIBL d.o.o. Banja Luka, HKP CONSULTING d.o.o. Banja Luka i GEOAVAS d.o.o. Sarajevo	80.510,00	94.196,70
2.	INTEGRA d.o.o. Mostar	96.190,20	112.542,53

U ponovljenom postupku pregleda i ocjene ponuda zatraženo je od ponuđača da produže opcije ponude.

U ponovljenom postupku pregleda i ocjene ponuda zatraženo je od ponuđača da produže opcije ponude.

Produženje perioda važenja ponude (opcije) ponude dostavili su: GRAĐEVINSKI INSTITUT GIBL d.o.o. Banja Luka ovlašteni predstavnik GP: GRAĐEVINSKI INSTITUT GIBL d.o.o. Banja Luka, HKP CONSULTING d.o.o. Banja Luka i GEOAVAS d.o.o. Sarajevo, SARAJINŽENJERING d.o.o. Sarajevo ovlašteni predstavnik GP: SARAJ INŽENJERING d.o.o. Sarajevo i TRASA d.o.o. Sarajevo, PPG d.o.o. Sarajevo ovlašteni predstavnik GP: PPG d.o.o. Sarajevo i TRAFFICON d.o.o. Odžak, INTEGRA d.o.o. Mostar, IPSA INSTITUT d.o.o. Sarajevo, RADIS d.o.o. Istočno Sarajevo ovlašteni predstavnik GP: RADIS d.o.o. Istočno Sarajevo i GEOPROJEKT d.d. Split, ROUTING d.o.o. Banja Luka ovlašteni predstavnik GP: ROUTING d.o.o. Banja Luka i GEOKONZALTING d.o.o. Sarajevo i INSTITUT ZA GRAĐEVINARSTVO IG d.o.o. Banja Luka.

GP: DIVEL d.o.o. Sarajevo i DESIGN&QC d.o.o. Sarajevo, nije dostavio saglasnost za produženje perioda važenja ponude (opcije) ponude, te se smatra da je navedeni ponuđači odustao od postupka javne nabavke.

Komisija za nabavke je predložila Upravi da ugovor, za nabavku usluga: Izrada glavnog projekta izgradnje veze cesta M1.8 i M14.2, Orašje Jug – Donja Mahala, L= 4 km dodijeli **GP: GRAĐEVINSKI INSTITUT GIBL d.o.o. Banja Luka, HKP CONSULTING d.o.o. Banja Luka**

i **GEOAVAS d.o.o. Sarajevo** koji je dostavio prihvatljivu ponudu u iznosu od **80.510,00 KM** bez uračunatog PDV-a, odnosno **94.196,70 KM** sa PDV-om., te je riješeno kao u dispozitivu.

Pravna pouka:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.


.....
Ljubo Pravdić, dipl.ing.građ.

Dostaviti:

- Ponudačima (sa dostavnicom)